



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

caput XXXIX.

urn:nbn:de:hbz:466:1-29452

omnes gentes &c. Omnia igitur genera passionum videntur maledicta crudelia, quæ pertulit propter nostram benedictionem. Benedictio autem est remissio peccatorum & vita æterna, sicut maledictio peccatum est & damnatio æterna.

Tertiò, verè mortuus est Christus, non apparèter, ut ipsi Manichæi delirant. Legitur enim in Euangelio Matthæi & Ioannis, Emisit spiritum: item in Marci & Lucæ, Expiravit & sepultus est in sepulchro nouo. Descendit quoque ad infernum, ut sathanam operimeret, & fideles liberaret, ut quæ infernum, in què iusto Dei iudicio damnati eramus, spoliaret, & regnū mortis destrueret: quia Christus est fortis ille Gigas, Luc. 11, qui fortem vicit, & arma eius atque spolia distribuit. Credulis ergò & pijs secundum voluntatem Dei viuentibus, diabolus vincitur, infernus destruitur: non autem impijs & infidelibus: illos adhuc expectat, illis adhuc patet infernus. Descendit ergò cum anima diuina ad inferos, & liberauit patres à potestate sathanæ, ut quoque nos sciremus, quæ Christus sua passione nobis impetrârit. Itaque quasi peccator maledictus, occisus, flagellatus, & crucifixus est: ad infernum tanquàm damnatus descendit, sed cum re-duxit Dei potentia, iuxta illud, Non derelinques animam meam in inferno &c. atque mortem, sathanam, ipsum què infernum suppressit, ne detinere posset amplius credentes. Soluere quoque debuit etiam inferni dolores, secundum Petrum Apostolum, Acto. 2.

3.
Matt. 27.
Ioan. 19.
Mar. 15.
Luc. 23.

Psal. 15.

TERTIA DIE RESURRE-
xit à mortuis.

CAPVT XXXIX.

ARGVMENTA.

1. *Quomodo Christus, quem ut hominem mors vicit.*

vicit, ipse tertia die ut Deus vincit mortem, reuixit & resurrexit.

2. In quem fructum et ad quid resurrexit Christus.
3. Quomodo Christi resurrectio exemplar & speculum est nostrae futurae resurrectionis.



1.

Christum esse verè filium Dei, declarat apertè resurrectio eius, sicuti Apostolus ad Roman. 1. testatur, dicens: Qui prædestinatus, id est, verè declaratus aut demonstratus, filius Dei &c. quia resurrexit à mortuis, quia vicit iterùm mortē. sicut enim mors demonstrauit illum verum fuisse hominem, sic resurrectio verum fuisse Deum declarauit: nam resurrectio, donatio Spiritus sancti, Ascensio, & omnia miracula ostendunt eum potētem, & natura esse filium Dei, atque illum Messiam, qui promissus est patribus, Sic 1. Cor. 15. inquit Apostolus: Hoc est Euangelium meū quod prædicamus vobis, quod accepistis, & per quod saluamini, quia Christus mortuus est pro peccatis nostris, & resurrexit tertia die secundum quod scriptura de illo prædixit Psalmo 3. Ego dormiui, & soporatus sum, & exsurrexi, &c. Hoc Christo ascribitur. Et Psalm. 15. Non derelinques animam meam in inferno, in quem scilicet descendit anima Christi, postquā de corpore eius recessit in cruce. & rursus ibidē, Nec dabis sanctum tuū videre corruptionē, id est, ne Christus in corpore corrūpatur, id est, *verwese*. Et hunc Psalmum citarunt Petrus & Paulus Act. 2. & 13. quandò probant Christi resurrectionem à morte. Petrus Act. 2. inquit: Viri fratres, Dauid cum esset Propheta, locutus est de resurrectione Christi, quia non derelictus est in inferno secundum animam, neque corpus

corpus eius vidit corruptionem in terra. Hunc igitur Iesum Deus resuscitavit à mortuis, cuius nos testes sumus &c. Et Paulus Actuum 13. David prædixit Christum resurrecturum à morte, quando dixit de illo Psalm. 15. Non dabis sanctum tuum videre corruptionem. Sic Osee 6. Dominus Deus vivificabit nos post duos dies, in die tertia suscitabit nos, &cæt. Sic Christus cõsolatur omnes fideles de sua resurrectione, quemadmodum facit Matt. 12. de signo Ionæ, & Ioan. 2. Soluite templum hoc, id est, soluetis quidem, sed ego resuscitabo illud in tribus diebus: quasi diceret, Nolite timere, si Iudei hoc meum corpus occidunt: ego resuscitabo illud, & resurgam, sicut omnes testantur Prophetæ & Evangelistæ, & Apostolorum symbolum nos docet, quòd tertia die resurrexit.

2.
 Secundò, fructum resurrectionis Christi breuiter & optimè describit Apostolus Romano. 4. inquit: Christus mortuus est propter peccata nostra, & resurrexit propter nostram iustitiam: Nostra iustificatio, id est, *rechtfertigunge* / est fructus resurrectionis, sed hoc sic intelligitur, ex hoc quòd Christus mortuus est atq; passus, sequitur quòd nostra peccata super se accepit, & quòd propter nos passus atq; mortuus est, & iram quam nos meruimus, apud Deum ipse portauit, Esa. 53. ideò dicit Apostolus: Mortuus est pro peccatis nostris. Secundò, quia anima eius in inferno, & corpus eius in morte ac in terra non manet, sed per gloriam Dei patris iterum resurgit à morte, & ex hoc notatur quòd ira Dei finem habet, & quòd nobis remissa sunt peccata. Si enim in morte mansisset & in terra corpus eius, & anima in inferno, & non resurrexisset, tunc notum fuisset quòd nõdum placata esset ira Dei, atque peccata dimissa: sed quoniam resurrexit & viuit, ideò certissimum est signum. quòd satisfactio pro peccatis facta est, & impetrata gratia atque remissio

remissio peccatorum. Et quoniam Deus vult nobis imputare (zurechnen) iustitiam Christi, ideò dicitur quòd resurrexit propter iustificationē nostiā, id est, vt Christi iustitia nobis imputetur. Vult ergò Deus nunc ex misericordia nobis qui credimus, imputare iustitiam Christi filij sui, & non peccatum, sicut dicit Apostolus 1. Corinth. 1. Qui factus est nobis à Deo sapientia, iustitia & sanctificatio, & 1. Corinth. 15. sicut in Adam omnes moriuntur, ita & in Christo omnes, &c. Vt enim quandò alius pro nobis patitur, soluit aut satisfacit debito, & postea libertati traditur, certum est quòd & nos liberi sumus, quia ille pro nobis satisfecit, & omnes quoque liberauit. Quandò autem liberi sumus, tunc sumus iustificati, sic vt amplius nemo super premissò debito nos accusare aut aliquid exigere debeat: Sic quoniam Christus à morte resurrexit, & libertati donatus est à peccato, morte & sathana: sequitur quòd & nos nunc liberi sumus propter Christum à peccato & morte, ne nos damnare possint: & sic Christus resurrexit propter nostram iustificationem, quia pater eum captiuauit & flagellauit, & occidi fecit propter nos. Sed cum iam vincit & liberè efficitur, nos quoque omnes propter illum reputat iustos & liberos à peccato & æterna morte: Sic tamen, ne deinceps non secundum carnem viuamus, Romanorum octauo. Sumus hodiè peccatores, omnes morimur, infernus & sathan adhuc viuit: non sic liberati sumus, ne illa nos afficiant, sed quòd nos damnare non possunt propter Christi iustitiam, quã pœnitentibus pater imputat: Et quoniam habemus Christum Dominum peccati, mortis & sathanae, qui non derelinquit in se sperantes.

3. Tertiò, potissima pars apostolicę prædicationis est de resurrectione Christi, sicut etiam Paulus ait corã Festo & Agrippa Acto 26. Testificans minori atque maiori &c. & Apostoli penè omnes in suis scriptis

comme-

commemorant resurrectionem Christi. Et Paulus discipulū suum Timotheum signanter admonens, dicit
 1. Tim. 2. Memor esto Dominum Iesum Christū resur-
 rexisse à mortuis, id est, semp habeas in memoria re-
 surrectionem Christi. Sed cur adeò diligenter incul-
 cant hunc articulum? respondeo, quoniā duo potis-
 simū in se continet Christi resurrectio. Primū,
 quòd per illam certi sumus de remissione peccatorū
 & salute, quia pater illa exhibere nunc vult pœniten-
 tibus & credentibus: nam ideò iterū libertati de-
 dit, resuscitavit Christum à morte, peccato & satha-
 na, ut nos sciamus placatum iam esse Deum, & velle
 nobis placatum esse propter ipsum: ideò inquit Ioan.
 15. Si quid petieritis patrem in nomine meo, id est,
 remissionem & salutem, dabit vobis. Et Marc. 11. Om-
 nia quaecunque orantes petitis, credite, quia accipie-
 tis. Deindè quoniam Christi resurrectio est exemplar
 & certitudo nostræ resurrectionis: hæc futura resur-
 rectio fecit constantes omnes Martyres & sanctos in
 fide, & est vnica spes Christiani hominis: alioqui es-
 semus miserabiliores omnibus hominibus, si non es-
 set resurrectio. Apostolus igitur 1. Cor. 15. cum primis
 1. Cor. 15.
 probat resurrectionē p hoc, quoniā si Christus resur-
 rexit, ergò & nos resurgemus: si non resurrexit Chri-
 stus, neq; nostra erit resurrectio: & sic inanis esset fi-
 des nostra, &c. Sed Christus resurrexit primus inter
 dormiētes, ergò & oēs resuscitabit in suo aduentu, id
 est, die nouissimo: in illo die euacuabit omnē potesta-
 tem, destruet mortē, & omnia subijciet Deo. Deindè
 Apostolus arguit eos qui dicūt, Edamus ac bibamus,
 sicut bestias viuere & cogitare, & inquit: Nolite sedu-
 ci fratres, corrumpunt bonos mores colloquia pra-
 ua. Postremò, prohibet ne disputemus nimium, quo-
 modò fiet resurrectio, inquiens: Insipiens tu, quod
 feminas, non viuificatur, nisi prius moriatur &cæt,
 1. Corinth. 15.

X Ascendit